

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԵՐԵՎԱՆ ՔԱՂԱՔԻ ԱՎԱԳԱՆԻ

«-----» նոյեմբերի 2012թ.

N____-Ա

ՈՐՈՇՈՒՄ

ԳՈՒՅՔ ԸՆԴՈՒՆԵԼՈՒ ՄԱՍԻՆ

Ղեկավարվելով Հայաստանի Հանրապետության քաղաքացիական օրենսգրքի 594-րդ և 605-րդ հոդվածներով, հիմք ընդունելով Երևան համայնքի և «Ար-Պե» սահմանափակ պատասխանատվությամբ ընկերության միջև 2012 թվականի հոկտեմբերի 9-ին կնքված «Անշարժ գույքի նվիրատվության» և Երևան համայնքի և Արամ Իսաբեկյանի միջև 2012 թվականի նոյեմբերի 5-ին կնքված «Նվիրաբերության մասին» պայմանագրերը.

Երևան քաղաքի ավագանին որոշում է.

1. Որպես նվիրատվություն ընդունել «Ար-Պե» սահմանափակ պատասխանատվությամբ ընկերության սեփականությունը հանդիսացող Երևան քաղաքի Արաբկիր վարչական շրջանի Կոմիտասի պողոտայի հ.59/7 շենքի հ.5 և հ.6 բնակարանները:

2. Որպես նվիրաբերություն ընդունել Արամ Իսաբեկյանի կողմից Երևան համայնքին նվիրաբերված Հայաստանի Հանրապետության ժողովրդական նկարիչ Էդուարդ Իսաբեկյանի թվով 28 գեղանկարչական աշխատանքները:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ- ՀԻՄՆԱՎՈՐՈՒՄ

«ԳՈՒՑՔ ԸՆԴՈՒՆԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՄԱՍԻՆ

2012 թվականի հոկտեմբերի 9-ին կնքված «Անշարժ գույքի նվիրատվության» պայմանագրերի համաձայն՝ «Ար-Պե» սահմանափակ պատասխանատվությամբ ընկերության կողմից Երևան համայնքի սեփականությանն անհատույց հանձնվել է ընկերությանը սեփականության իրավունքով պատկանող Երևան քաղաքի Արաբկիր վարչական շրջանի Կոմիտասի պողոտայի հ.59/7 շենքի հ.5 և հ.6 բնակարանները համապատասխանաբար՝ 111.5 (հարյուր տասնմեկ ամբողջ հինգ տասնորդական) քմ և 77.9 (յոթանասուկյոթ ամբողջ ինը տասնորդական) քմ մակերեսներով:

Հաշվի առնելով Հայաստանի Հանրապետության ժողովրդական նկարիչ Էդուարդ Իսաբեկյանի ունեցած մեծ ավանդը հայ գեղանկարչության զարգացման գործում և նրա ստեղծագործությունները հանրությանը ներկայացնելու մատչելիությունն ապահովելու նպատակով Երևանի քաղաքապետի 2004 թվականի դեկտեմբերի 30-ի «Էդուարդ Իսաբեկյանի գեղանկարների մշտական գործող ցուցահանդես կազմակերպելու մասին» հ.2495-Ա որոշմամբ «Հայ-Արտ» մշակութային կենտրոնի առաջին հարթակում կազմակերպվել է Էդուարդ Իսաբեկյանի նկարների մշտական գործող ցուցահանդես:

2012 թվականի նոյեմբերի 5-ին Երևան համայնքի և Արամ Իսաբեկյանի միջև կնքված «Նվիրաբերության մասին» պայմանագրի համաձայն՝ Արամ Իսաբեկյանը Երևան համայնքին է նվիրաբերել Հայաստանի Հանրապետության ժողովրդական նկարիչ Էդուարդ Իսաբեկյանի թվով 28 գեղանկարչական աշխատանքները՝ ք.Երևան, Մաշտոցի 7ա հասցեում գտնվող «Հայ-Արտ» մշակութային կենտրոնի առաջին հարթակում մշտական գործող Էդուարդ Իսաբեկյանի գեղանկարների ցուցահանդեսում ցուցադրելու, իսկ անհրաժեշտության դեպքում՝ այլ ցուցասրահներում ժամանակավոր ցուցադրելու համար:

ՀՀ քաղաքացիական օրենսգրքի 597-րդ հոդվածի 1-ին կետի համաձայն՝ նվիրատուն իրավունք ունի մինչև նվերն իրեն հանձնելը ցանկացած պահի հրաժարվել դրանից: Այդ դեպքում նվիրատվության պայմանագիրը համարվում է լուծված, իսկ 605-րդ հոդվածի 1-ին կետի համաձայն նվիրաբերություններ կարող են արվել քաղաքացիներին, բուժական, դաստիարակչական հիմնարկներին, սոցիալական պաշտպանության ու նույնանման այլ հաստատություններին, բարեգործական, գիտական և ուսումնական հաստատություններին, հիմնադրամներին, թանգարաններին ու մշակույթի այլ

հաստատություններին, հասարակական և կրոնական կազմակերպություններին, ինչպես նաև պետությանն ու համայնքներին:

Ուստի անհրաժեշտություն է առաջացել կայացնել Երևան քաղաքի ավագանու որոշում՝ նվերներն ընդունելու մասին:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ

**«ԳՈՒՅՔ ԸՆԴՈՒՆԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ
ՆԱԽԱԳԾԻ ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ
ԱՆՀՐԱԺԵՇՏՈՒԹՅԱՆ ԿԱՄ ԲԱՑԱԿԱՅՈՒԹՅԱՆ ՄԱՍԻՆ**

«Գույք ընդունելու մասին» Երևան քաղաքի ավագանու որոշման նախագծի ընդունման առնչությամբ այլ իրավական ակտերի ընդունման անհրաժեշտություն չի առաջանում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ

**«ԳՈՒՅՔ ԸՆԴՈՒՆԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ
ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵԻ
ԵԿԱՍՈՒՏՆԵՐՈՒՄ ԵՎ ԾԱԽՍԵՐՈՒՄ ՍՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ ՄԱՍԻՆ**

«Գույք ընդունելու մասին» Երևան քաղաքի ավագանու որոշման նախագծի ընդունման կապակցությամբ Երևանի բյուջեի եկամուտներում և ծախսերում էական փոփոխություններ չեն սպասվում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ